

SELMAX 325MG CAPSULE

Paracetamol (325mg)

Apakah yang ada pada risalah ini

1. Apakah kegunaan Selmax 325mg Capsule
2. Bagaimana Selmax 325mg Capsule berfungsi
3. Sebelum mengambil Selmax 325mg Capsule
4. Cara mengambil Selmax 325mg Capsule
5. Semasa mengambil Selmax 325mg Capsule
6. Kesan Sampingan
7. Cara Penyimpanan dan pelupusan Selmax 325mg Capsule
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Selmax 325mg Capsule

Selmax 325mg Capsule digunakan untuk melegakan demam dan kesakitan yang berkaitan dengan selesema, sakit kepala dan sakit badan.

Bagaimana Selmax 325mg Capsule berfungsi

Selmax 325mg Capsule mengandungi Paracetamol yang termasuk sekumpulan ubat-ubatan yang dipanggil analgesik dan antipiretik yang membantu meringankan kesakitan dan mengurangkan demam.

Sebelum mengambil Selmax 325mg Capsule

- Bila tidak boleh mengambil

Jangan mengambil produk ini jika anda mempunyai alahan terhadap Paracetamol atau bahan-bahan lain yang terkandung dalam produk ini.

- Sebelum mula mengambil

Produk ini harus diberi dengan berhati-hati kepada pesakit mempunyai masalah hati dan buah pinggang atau mereka yang sedang mengambil ubat yang mempengaruhi hati.

- Jika mengambil ubat-ubatan lain

Sila beritahu doktor jika anda atau anak anda sedang mengambil sebarang ubat lain, terutamanya:

- Ubat antikoagulan seperti Warfarin (ubat cair darah)
- Metoclopramide (ubat masalah perut)
- Propantheline (ubat merawat ulser peptik)
- Sesetengah jenis ubat untuk merawat kemurungan dan ubat tahan sakit
- Chloramphenicol (antibiotik)
- Enzim seperti alkohol dan ubat sawan
- Probenecid (ubat merawat gout)
- Cholestyramine (ubat mengurangkan kolesterol)

Cara mengambil Selmax 325mg Capsule

- Berapa banyak harus digunakan

Dewasa dan kanak-kanak di atas 12 tahun:
Ambil 2 kapsul 3 hingga 4 kali sehari atau bila perlu. (Jangan melebihi 8 kapsul sehari)
Kanak-kanak 6 hingga 12 tahun:
Ambil 1 kapsul 3 hingga 4 kali setiap hari atau bila perlu. (Jangan melebihi 4 kapsul sehari).
Jangan melebihi dos yang dicadangkan kecuali dinasihatkan oleh doktor.

- Bila perlu diambil

Boleh diambil dengan atau tanpa makanan.

- Berapa lama perlu diambil

Dapatkan nasihat perubatan jika demam berterusan selama melebihi 3 hari atau sakit terus selama melebihi 10 hari atau jika terdapat kemerahan.

- Jika terlupa mengambil

Jika anda terlupa beri Selmax 325mg Capsule kepada anak anda, berikannya secepat mungkin apabila anda teringat. Jangan cuba beri dos berganda untuk menggantikan dos yang terlepas.

- Jika mengambil berlebihan (terlebih dos)

Gejala-gejala termasuk muntah, sakit abdomen, tekanan darah rendah dan berpeluh. Sekiranya terambil berlebihan, rawatan khusus segera adalah penting.

Sila menghubungi Pusat Racun Negara (1800 888 099) atau doktor anda, ataupun pergi ke unit kecemasan hospital yang terdekat secepat mungkin.

Semasa mengambil Selmax 325mg Capsule

- Perkara yang perlu dilakukan

Jika demam berterusan selama lebih dari 3 hari atau sakit terus selama lebih dari 10 hari atau jika terdapat kemerahan, sila berjumpa doktor.
- Beritahu semua doktor, doktor gigi dan ahli farmasi yang merawat anda bahawa anda mengambil Selmax 325mg Capsule.

- Perkara yang tidak boleh dilakukan

Jangan ambil ubat ini untuk merawat keadaan lain kecuali diarahkan oleh doktor anda.

- Perkara yang perlu diberi perhatian

Sediaan ini mengandungi Paracetamol. Jangan mengambil sediaan lain yang juga mengandungi Paracetamol pada masa yang sama.

Kesan Sampingan

Tanda alahan: Paracetamol boleh menyebabkan alahan kulit yang teruk termasuk kemerahan kulit, lepuh atau ruam.

Ini boleh menjadi tanda-tanda keadaan serius. Jika tindak-balas ini berlaku, berhenti menggunakannya dan dapatkan rawatan segera.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835549, atau laman web [Orang Awam → Laporan Kesan Sampingan Ubat (ConSERF) atau Vaksin (AEFI)].

Cara Penyimpanan dan Pelupusan Selmax 325mg Capsule

- Penyimpanan

- Simpan di bawah 30°C.
- Jauhkan daripada cahaya dan kelembapan.
- Tutupkan botol dengan ketat.
- Jauhkan daripada capaian kanak-kanak

- Pelupusan

Jangan ambil produk ini selepas tarikh tamat tempoh. Tarikh luput dicetak pada label ubat.

Ubat tidak boleh dilupuskan melalui sisa buangan atau sisa isi rumah. Tanya ahli farmasi anda bagaimana untuk membuang ubat-ubatan tidak lagi diperlukan. Langkah-langkah ini akan membantu melindungi alam sekitar.

Maklumat lanjut

- Rupa dan warna produk

Selmax 325mg Capsule adalah kapsul gelatin keras telus merah dan semula jadi dari sumber bovin. Ia mengandungi granula tri-berwarna putih, oren kekuningan dan merah.

- Bahan-bahan kandungan

Bahan-bahan aktif
Setiap tablet mengandungi Paracetamol 325mg

Bahan-bahan tidak aktif
Sunset Yellow, Quinoline Yellow, Raspberry Red, Povidone K30

- Nombor MAL:

MAL08061687XZ

Pengilang dan Pemegang Pendaftaran Produk

WINWA MEDICAL SDN. BHD.
1952, Lorong I.K.S. Bukit Minyak 3,
Taman I.K.S. Bukit Minyak,
14000 Bukit Mertajam,
Pulau Pinang, Malaysia.

Tarikh kemaskini RiMUP

21/6/2018

Nombor siri:

NPRA(R4/1)220618/00181